

嶺南叢述卷五十七

東莞 鄧 淳 粹如編輯

東莞 陳文英 道彰參訂

諸蠻

蜑人

以舟為室視水如陸浮生海上者蜑也欽之蜑有三一為魚蜑善舉網垂綸二為蠔蜑善沒海取蠔三為木蜑善伐山取材凡蜑極貧衣皆鶉結得掬米妻子共之夫婦居短篷之下生子乃猥多一舟不下十子兒自能孩其母以軟帛束之背上蕩槳自如兒能匍匐則以長繩繫其腰于繩末繫短木焉兒忽墮水則緣繩汲出之兒學行往來篷脊殊不驚也能行則已能浮沒蜑舟泊岸羣兒聚戲沙中冬夏身無一縷真類獺然蜑之浮生似若浩蕩莫能馴者然亦各有統屬各有界分各有役于官以是知無逃乎天地之間

嶺南叢述

卷五十七

諸蠻

廣州有蜑一種名曰盧亭善水戰

嶺外代容秦時屠睢將五軍臨粵肆

行殘暴粵人不服多逃入叢薄與魚鼈同處蜑即叢薄中之遺民也世世以舟為居無土著不事耕織惟捕魚及裝載為業齊民目為蜑家蜑人俱善沒水舊時繡面文身以象蛟龍行水中三四十里不遭物害稱為龍戶常持刀槊入水與巨魚鬪其婦女皆能泅泅女大者曰魚姊妹小者曰蜺妹魚大而蜺小故姊曰魚而妹曰蜺也有女未聘則置盆花於梢有男未聘則置盆草於梢以置媒妁娶時以蠻歌相迎男歌勝則奪女過舟成親焉今廣州河泊所額設蜑戶有大蜑小蜑手蜑門竹箔簾箔攤箔大箔小箔大河箔小河箔背風箔方網轉網旋網竹箔布箔魚籃鱗籃大罟竹箔等戶一十九名色每歲計戶稽船稽其魚課亦有魚課編入各縣徵輸者諸蜑漸有知書且有居陸成村如廣城西周墩林墩是也然良家不與通如以其性克善盜多為水鄉禍患粵故多盜而海

洋聚劫常起蛋家其船雜出海上多寡無定或十餘艇爲一宗或二三罟爲一朋每朋則有數鄉舟隨之醜魚勢便輒行攻劫爲商旅害秋成時或劫割田禾沙田農人有獲稻者各以錢米與之乃免禍患洪武初年以蛋人爲水軍之制擇其一二智勇者授以一官俾得以軍律治其族與哨船爲羽翼無事不敢爲盜有警則水師自足也

粵中見聞

盧亭

大奚山三十六嶼在莞邑海中水邊巖穴多居蛋蠻種類或傳係晉海盜盧循遺種今名盧亭亦曰盧餘似人非人獸形鳩舌椎髻裸體出沒波濤有類水獺往往持魚與漁人換米或迫之則投水中能伏水三四日不死出復如舊率食生物以魚鼈爲饗殮其捕魚使人張罾則數人下水引羣魚入罾內旣入引繩示之則舉罾并其人以上正德中其人入水時偶值颶風不能起潛游數月至嶺南叢述

卷五十七

諸蠻

二

香山見罾以爲已物乃坐其中爲人所獲執以赴官或識之曰此盧亭也初獲言語不通久之曉漢語詢之信然

嶺海見聞

獠人

獠人者言其執獠役於中國也靜江府五縣與獠人接境曰興安靈川臨桂義寧古縣獠人聚落不一最強者曰羅曼獠人麻園獠人其餘曰黃沙曰甲石曰嶺屯曰褒江曰贈脚曰黃村曰赤水曰藍思曰巾江曰竦江曰定花曰冷石坑曰白面曰黃意曰大利曰小平曰灘頭曰丹江曰糜江曰閃江曰把界山谷彌遠獠人彌多盡隸于義寧縣乘江寨獠人椎髻臨額跣足帶械或袒裸或鷄結或斑布袍袴或白布巾其酋則青巾紫袍婦人上衫下裙斑爛勃窳惟其上衣斑文極細俗所尙也地皆高山而所產乃輜重欲運致之不可肩荷則爲大囊貯物以皮爲大帶挽之于額而負之於背雖大木石亦負于背獠人耕山爲生以粟豆芋魁充糧其稻田

無幾年豐則安居巢穴一或饑饉則四出擾攘土產杉板滑石密蠟零陵香燕脂木靜江五縣沿邊唯興安義寧縣官任滿有邊賞嶺外代答粵中猺黎兩種最爲民害萬歷初年羅旁猺最猖獗劫掠東西兩粵到處殘害都督陳璘嘗以馬不能鞍人不能甲爲慮總督凌公雲翼調兵二十萬部分十道兩踰月乃蕩平覆其巢穴八十餘斬獲數千萬今東西山尚有雲欖雲洋諸種其人短小躡捷跳躍如猿攫帶三短刀持鐵力木弩弩長二尺力百斤頭作雙槽釘以樵銅錯鐵藥箭僅長尺許無事射獵爲生有事則鳴小鑼舉衆蜂起以殺人爲戲樂諸猺率盤姓分爲三日高山曰花肚曰平地平地者良歲七月十四拜年以盤古爲始祖盤瓠爲大宗其非盤姓者初本漢人以避賊役潛竄日久遂爲正猺猺婦皆着黑裙裙腳以白粉繪畫花卉水波紋凡欲娶婦入山見樵女卽奪其衫帶以歸度已之衫帶長短相等乃往尋其女負之女父母纔往婿家

嶺南叢述

卷五十七

諸蠻

三

使成親否則女仍處子不敢犯也聽約束者爲熟猺與齊民無異設有猺官統之韶屬曲江猺亦唯盤姓者爲正猺男丁穿耳飾銀環衣服綵繡花邊頭裹花帕腰刀掛弩下跣足女人無袴繫重裙皆繡花邊正猺婦女頭戴小板以蠟膠髮裹于板上月整一次夜以高物皮首而臥下亦跣足名爲板猺其無板者曰民猺有猺總約束之英德乳源俱係民猺亦稱熟猺雖有猺官統率然衣冠文物竟與士庶同矣德慶州有替猺山替翁山皆熟猺所居替猺之長曰替翁又有替馬山乃猺馬所產猺多自稱爲馬謂馬多力善走也高州所屬州縣有聽招猺有背招猺有險惡猺聽招者卽熟猺也有猺官領之背招者亦兼領之連州無熟猺總名八排性最獷悍其臀微有肉尾脚皮厚寸許飛行林壁自號猺公而呼連人爲百姓自稱猺丁曰八百粟言其多也有猺目八人司約束歲仲冬十六日諸猺至廟爲會懸金帛衣飾相誇耀猺目視其男女可

婚娶者悉遣入廟男女分曹地坐唱歌達旦女當意就男同坐媒人乃將男女衫帶度之長短相合則使挾女回家遲三日女之父母送牲酒使成親凡女已嫁須一方板長尺餘其狀如扇以髮平纏其上斜覆花帕膠以蠟綴以珠是曰板猺未嫁則戴一箭竿髮分雙絡左右盤結箭上亦覆繡帕是曰箭猺具衫領袖皆刺五色花絨當日槃瓠毛五采故今猺妖雅尙斑斕猺喜爲盜善伏林莽中塗黑其面作山鬼狀伺商旅過披髮突出見者棄貨物走呼曰精夫赦我乃已精夫者猺之渠帥也今八排俱就疆索蓋王化之遠被歟

粵中見聞

黎人

海南有黎母山內爲生黎去州縣遠不供賦役外爲熟黎耕省地供賦役而各以所邇隸于四軍州生黎質直獷密不受欺觸本不爲人患熟黎多湖廣福建之姦民也狡悍禍賊外雖供賦于官而

嶺南叢述

卷五十七

諸蠻

四

陰結生黎以侵省地邀掠行旅居民官吏經由村峒多舍其家峒中有王二娘者黎之酋也夫之名不聞家饒于財善用其衆力能制服羣黎朝廷賜封宜人瓊管有令于黎峒必下王宜人無不帖然二娘死女亦能繼其業昔崇寧中王祖道經略廣西撫定黎賊九百七峒結丁口六萬四千開通道路一千二百餘里自以爲漢唐以來所不臣之地皆入版圖官僚皆受厚賞淳熙元年五指山生黎峒首王仲期率其旁八十峒丁口一千八百二十人歸化諸峒首王仲文等八十一人詣瓊管公參就顯應廟砍石歃血約誓改過不復抄掠瓊管犒遣歸峒大抵黎俗多猜客來不遽見之而于隙間察容儼然不動然後遣奴出布席客卽席坐移時主乃出見不交一談少焉置酒先以惡穢味嘗客客忍食不疑則喜繼以牛酒否則遣客其親故聚會椎鼓舞三杯後請去備猶以弓刀置身側也性好讎殺謂之作拘遇親戚之仇卽械繫之要牛酒銀

瓶謂之贖命婚姻以折箭爲信商旅在其家黎女有不潔者父母反對鄰里誇之其親死殺牛以祭不哭不飯唯食生牛肉其葬也昇襯而行前一人以雞子擲地不破卽吉地也居處皆柵屋土產名香檳榔椰子小馬翠羽黃蠟蘇木吉貝之屬四州軍征商以爲歲計商賈多販牛以易香黎裝椎髻徒跣裸袒而腰繚吉貝首珥銀釵或銅或錫首或以絳帛綵帛包髻或帶小花笠或如雞尾而皆簪銀篋二枝亦有著短織花裙者熙寧中王祖道撫定黎峒其酋亦有補官今其孫尙服錦袍銀束帶蓋其先世所受賜而服之云獠人執黎弓垂箭筒戴兜鍪佩黎刀刀刃長二尺而柄甚長以白角片長尺許如雞尾爲靶子飾兜鍪織藤爲之其婦人高髻繡面耳帶銅環垂墜至肩衣裙皆吉貝五色爛然無有袴襦徒繫裙數重裙製四圍合縫以足穿之面繫諸腰羣浴于川黎人半能漢語十百爲羣變服入州縣墟市人莫辨焉日將晚或吹牛角爲聲

嶺南叢述

卷五十七

諸蠻

五

則紛紛聚會結隊而歸知其爲黎也

嶺外代答

黎有二種五指山前居

者爲熟黎山後爲生黎熟黎又分二種與生黎近者爲三差黎與民近者爲四差黎征賦稍稍加焉其人皆當額作髻髻有金銀耙或骨簪縱插者生黎也橫插者熟黎以此爲別男子弓不離手以藤爲之藤生成如弓兩頭有梢可掛弦弦亦以藤箭以竹無羽其末三丫爲菱角倒鈎射入必不能出生黎以熟黎勾引嘗出盜劫男婦盡室以行躡捷如飛官軍難追惟婦女以黎補太長行稍緩往往被擒其婦女所着黎補以布四圍合縫刺五色花絨裙袂作數百細摺長不能行則結其半於腰間纍纍如髻帶重物椎髻大釵釵上加銅環耳墜垂肩面湟花卉蟲蛾之類號繡面女黎女將欲嫁人各自擇配男始爲女紋面其紋樣皆男家所與以爲記號使不得再嫁古所謂雕題者此也蓋題額也雕繡也以針筆丹青湟之黎歸女俱執漆扁擔上寫黎歌數行字如蟲書不可識黎

死無子則合峒共養其婦欲再適則其婦請于黎長囊其衣帛擇可配者投之攜牲醴往婚焉黎多符王二姓非此二姓爲長黎則不服欲立長必繫一牛射之箭貫牛腹而出卽得立無文字要約以繩作結爲券雖隔代猶可執爲憑俗重報仇名算頭債但不爲掩襲計又善咒鬼與客商牴牾輒咒其已亡父母逾時客商身熱頭腹交痛急覓酒殺請爲謝過立即全愈客商欲買沉香必使熟黎引入生黎尙分送絨線針布等物生黎置酒餉客各奉椒酒一碗客須一一嘗之若不嘗勻則必隘路截殺其客官府到黎村徵糧亦要遍嘗其酒饌乃謂官公平急輸錢糧凡見官府袒裸額髻豎一雄雞尾橫插骨簪便是冠冕生黎素不到城熟黎能漢語常人州縣城市貿易暮則鳴角結隊而歸雍正八年正月崖州生黎一千三百七十三人定安縣生黎六十七人陵水縣生黎二百八十六人瓊山縣生黎二百二十人俱赴督撫兩院衙門籲請每年嶺南叢述 卷五十七 諸蠻 六

輸納丁銀二分二釐田亦納糧會疏題奏

諭令每丁納銀一分云

粵中見聞

馬人

馬人一日馬留俞益期云壽冷岍南有馬文淵遺兵家對銅柱而居悉姓馬號曰馬留凡二百餘戶自相婚姻張勃云象林縣在交趾南馬援所值兩銅柱以表漢界處也援北還留十餘戶于銅柱所至隋有三百餘戶悉姓馬土人以爲流寓號曰馬流人銅柱尋沒馬流人常識其處常自稱大漢子孫云其地有掘得文淵所製銅鼓如坐整而空其下兩人昇之有聲如鞞鼓馬流人常扣擊以享其祖祖卽文淵也有詠者云銅鼓沉埋銅柱非馬留猶著漢時衣予亦有詩云山留銅柱水銅船新息威靈在瘴天終古馬留稱漢裔衣冠長守象林邊又云朝鳴銅鼓伏波祠大漢兒孫實在茲一任金標埋沒盡馬人終古識華夷銅船在合浦相傳馬援鑄銅

船五以四往征林邑留一於此天陰雨浮出湖面樵捕者常得見之因名湖曰銅船湖鄜露詩銅船亘奔流又云冒險觸銅船是也馬人今已零落而欽州之峒長皆黃姓其祖曰黃萬定者青州人初從馬援征交阯有功留守邊境後子孫分守七峒至宋皆爲長官司元時以貼浪峒長黃世華有討賊功賜金牌印信洪武初年收之仍爲峒長其在時休峒者祖曰裊純旺亦馬援戰士永樂初時羅峒長以事被革移純旺孫貴成守之其如昔博是澌凜鑑山古森五峒亦皆以姓黃者爲長蓋皆萬定後裔馬留之人也然黃氏繁盛而馬氏衰亦獨何歟廣語

狼人

粵東惟羅定東安西寧有狼人蓋從粵西來萬歷年間調至征戍羅旁猺賊之狼兵後裔也族凡數萬每人歲納刀稅三錢于所管州縣爲官司守城池洒掃官衙供給薪炭性頗馴畏法西寧縣有嶺南叢述

卷五十七

諸蠻

七

狼長二名內寨狼長管狼丁一百二十四名計居九峒外寨狼長管狼丁二百一十九名計居十九峒

粵中見聞

獐人

靈山縣獐人本廣西狼兵明天順時奉調征勦遂就此生聚散處縣屬之十萬山中性質粗悍又謂之山人戴笠跣足衣飾與齊民相彷彿水而飲搏飯而食茅茨衡板上棲下牧男女婚姻不以禮善藥弩以捕獵爲生獐婦用花帛兜肚袴僅蔽膝往來墟市必持雨傘而行阮志

峯人

澄海山中有峯戶男女皆椎跣持挾鎗弩歲納皮張不供賦有峯官者領其族峯巢居也其有長有丁有山官者稍輸山賦賦以刀爲準者曰猺猺所止曰山曰峒亦曰峯海豐之地有曰羅峯曰葫蘆峯曰大溪峯與寧有大信峯婦善有窰峯其人耕無犁鋤率以

刀治土種五穀曰刀耕燔林木使灰入土土煖而蛇蟲死以爲肥
曰火耨是爲畚蠻之類志所稱伐山而營蕪草而播依山谷采獵
不冠不屨者是也潮州有山峯其種二曰平鬚曰崎鬚亦皆猺族
有莫穉號白衣山子散居溪谷治生不屬官不屬峒首皆爲善猺
其曰斗老與盤藍雷三大姓者頗桀驁難馴廣語

岐人

五指山中又有一種岐人尤獷悍岐隨時所謂屯也黎漢時所謂
俚也熟岐稍馴善其巢居火種名爲乾脚岐與熟黎同俗計黎岐
蟠踞地方約一千二百餘里絕長補短僅四百餘里山勢盤旋如
羸黎居其外岐居其中二三十里輒有一峒峒有十數村土沃烟
稠與在外民居無異惟疊巘深林山嵐水毒外人不能常人故黎
岐倚以負固爲患海忠介嘗言若以兵三五萬臨之勢如壓卵伐
山開道立州縣以治之卽成編民矣粵中見聞俚戶蠻之別落也後漢
嶺南叢述 卷五十七 諸蠻

狠人

狠人屬出暹羅之峒嶼短小精悍圓目而黃睛性絕專戾不識金
帛木居原作石字形之誤張本作食如猿狖古樾蒙密者率數十
巢蓋舉族所聚也語咿嚶不可辨山居夷獠每諳其性常馴擾以
備驅使蒙以敝絮食以鯁鮓飲以漓酒卽躍然喜似謂得所主者
舉族受役至死不避雖歷世不更他姓嘗役以採片腦鶴頂皆如
期而獲其山多犀象主者利其齒角授以毒鏢狠挾以歸遇犀或
象輒往刺之升木而自張本無匿犀象怒且索弗原作毋據得也
移刻毒發而瘡狠乃羣聚叫嘯若誇其捷者相戒聚以守經月犀
象且鷹所遺如齒如張本無角齒則負以數狠角乃一狠肩之以
輪其主遇奪他姓亦至死弗昇也舶人編竹爲籠紆深其制置所

必由張本作之徑機而取之以獻於夷王王大愛玩酬以蘇方方字據張
木木等至數千斤酋原作猶據衣狠以番錦飼以嘉寶置之爽塏
狠以非其主終不附也然稍近烟火淚目死爾海語

白人

白人出小人國徧體若雪鬢髮紺綠長僅尺許見人輒能脫帽跪
拜語咿嚶唧唧不可辨舉國皆然不能耕種有自然粉豆取食紅
毛國番舶常有帶至粵者嶺海見聞

黑人

林邑記有儋耳民以黑爲美離騷所謂元國卽今儋州也其地在
大海中民若魚鱉魚鱉性屬火而喜黑水之象黑儋耳民亦水之
族故尙黑也然儋州今變華風絕無繡肩鏤頰耳穿繩爲飾之狀
獨暹羅滿刺伽諸番以藥淬面爲黑猶以古儋耳俗同予詩南海
多元國西洋半黑人謂此予廣盛時諸巨室多買黑人以守戶號

嶺南叢述

卷五十七

諸蠻

九

曰鬼奴一曰黑小厮其黑如墨唇紅齒白髮鬖而黃生海外諸山
中食生物捕得時與火食飼之累日洞泄謂之換腸此或病死或不
不死卽可久畜能曉人言而自不能言絕有力負數百斤性淳不
逃徙嗜慾不通亦謂之野人一種能入水者曰崑崙奴記稱龍戶
在儋耳其人目睛青碧入水能伏一二日卽崑崙奴也唐時貴家
大族多畜之有南海郡守常贈陶峴崑崙奴摩訶勇健善浮游入
水永樂間婆羅國東王西王遣使來朝以黑小厮充貢物亦是此
種廣語

五民

欽民有五種一曰土人自昔駱越種類也居于村落容貌鄙野以
脣舌雜爲音聲殊不可曉謂之叢語二曰北人語言平易而雜以
南音本西北流民自五代之亂占籍于欽者也三曰俚人史稱俚
獠者是也此種自蠻峒出居專事妖怪若禽獸然語音尤不可曉

四曰射耕人本福建人射地而耕也子孫盡閩音五曰蛋人以舟爲室浮海而生語似福廣雜以廣東西之音嶺外代答

高粱人

欽州有夷人名高粱人不種田入海捕魚爲業婚不避同姓用臘月爲歲首送葬皆打鼓春堂吹笙箭用藥箭太平寰宇記

番商

番商者謂番市舶交易綱首所領也自唐設結好使於廣州自是商人立戶迄宋不絕留寓海濱灣泊之地築室爲長久計宋時商戶鉅富服飾皆金珠羅綺器用皆金銀器皿有凌虐土著者經畧使輒嚴懲之士人有投充番戶者必誅無赦天聖後留寓益夥其首住廣州者謂之番長因立番長司熙寧中番使辛押陀羅授懷化將軍乞統察番長司公事詔廣州裁處其後戶絕遂立番坊番人有居瓊管者立番民所至明洪武初令番商止集舶所不許入

嶺南叢述

卷五十七

諸蠻

十

城通番者有厲禁止德中始有番人私築室於灣澳者以便交易每房一間價至數百金嘉靖三十五年海道副使汪栢乃立客綱客紀以廣人及徽泉等商爲之三十八年海寇犯潮始禁番商毋得入廣州城郝志

回回教

雜蠻自日南徼外占城以至西域默德那國其教專以事天爲本而無像設其地雖接天竺與佛異俗重殺非同類殺者不食不食豕肉謂之回回教門今懷聖寺有番塔創自唐時輪囷直上凡十六丈五尺每日禮拜者是也然亦有占城諸國人雜其間多蒲海二姓岳珂程史謂爲番禺海獠郝志

法蘭西

法蘭西一曰佛郎西卽明之佛郎機也初奉佛教後奉天主教其酋居呂宋者近與紅毛之英吉利爭雄長而法蘭西亦稍弱焉夷

人冠白巾加黑氊帽以脫帽爲禮其服飾與大小呂宋同

清職貢

安南國

交阯之地卽安南卽交州卽日南西北自交岡來故曰交阯東北界廣西東界廣東西界雲南西南界老撾卽古哀牢南挿入大海中通占城秦漢時皆郡縣也黎氏王國在富良江西後三峯山左安子山右傘圓山挿入雲霄富良江左右纏抱前入大海亦南荒一都會也所屬有十三道五十二府二百一十九州縣都統莫氏惟高平一府四州在北隅之東俱無城郭其人被髮以香蠟梳之之故不散跣足足無塵拑以地皆淨沙也男女衣皆大領無分別無裙褲女有無摺圍裙其王與官或時冠帶鞞鞞然非其好也稱其貴人曰翁茶翁茶者大官也其牛羊猪燒去毛卽割而食之只有燒酒時刻喫棋榔惟睡方停嚼耳每用藥物塗其齒黑而有光

嶺南叢述

卷五十七

諸蠻

十一

見人齒白者反笑之惟王宮用黃瓦官民不敢用瓦以草苫檣棟以竹房檐高四尺許門高不過三尺俛首折腰乃得出入卽王殿檐高不過丈許其屋外多種刺竹甘蔗椰子諸樹其果四時生長無定其氣候常煖其土產惟稻無二麥有布最纖輕有蠶桑綿紬曰交兌素紉如畫絹濶二尺多榕樹甘橘有波羅蜜果如南瓜味微甜中有子如刀豆子皆可食其象牙香藥綿花胡椒茴香醬醋等物皆自外來者無卓椅特爲使臣造二公座甚高大其宴桌圓彩金漆高可尺許舩似花瓣其文字與中土同另作數十字多加土傍與使臣往復文書不用也臨賀公館在富良江之東去國之十里許以竹爲牆每天使至一次則加竹一重其風俗嬉蕩無恥洗浴便溺男女裸體往來坐立不相迴避雖貴家亦然其豪家稍有牀褥平民則無貴者以網爲兜兩人擡之大貴者有轎似車上轎盤脚坐或用八人四人擡之最可笑者其王傘扇轎夫全體俱

露止用一股青布纏腰從尻下褻勒至臍雖寒天不着寸衣又皆形狀肥實名曰好漢聞多係殺人援赦者其兵止穿大袖青衣一件或二件天暑卽裸并無甲冑其器械尙銃藤牌鎗刀諸物頗精于飾以之大用殆不足也頗讀書知文字而好怪異無傳授不甚貫通尙巫鬼不奉二氏之教以能強言者爲功故根有四字批評曰愚曰疑曰詐曰傲愚則不認理疑則不信人言詐則其言不可信傲則自謂無罪也此四字如銅墻鐵壁穿不可破要在廟堂勝算各邊臣措置威風有以警之耳

安南雜記

占城

占城古越裳界秦屬象郡爲林邑縣漢改象林縣屬曰南郡唐改占城今仍之其地北接安南東西距五百里南北距千里或云延袤三千里國城離海一百二十里去日南界四十餘里其郎湖蒲口角秦象郡城猶存南去二百餘里舊有西屠癸亦稱王馬伏波

嶺南叢述

卷五十七

諸蠻

十三

因植二銅柱以表漢界伏波北還留兵十餘家居壽冷岸南面對銅柱卽馬流人也銅柱山周十里形如椅蓋兩跨重巖東臨大海山川移植易惟馬流人能識其處占城之先本林邑一縣漢未有區連者據縣稱王連死外孫范逸代立逸死范文篡位攻并旁國及日南郡文死子佛立猶屯曰南晉九真太守灌遂率兵討佛走之追至林邑時五月立表測日日在表北影在表南九十一分郡名曰南蓋始於此後隋文帝乃遣行軍總管劉方擊敗其王范志入其都獲金鑄主像一十八蓋有國十八代矣永樂元年占城王占巴的賴始貢正統六年遣使立占城王十二月東莞發舟次日過烏猪洋又次日過七洲洋望見銅鼓山次日至獨猪洋望見大洲山次日至交阯洋次日至占城外羅洋校杯墅口卽是占城嘉靖二十一年使至其國臘月猶暑士着苧衣民多裸祖南陌稻熟北秧猶青俗尙腦垂髻髻胸纏氍布粒食佳稻肉食水兕山羊出

人乘象乘馬土產象牙犀角孔雀尾伽楠龍腦降檀速栢諸香花梨烏蘇各木紅油圓壁烏白等布巾帕被縵種種方物離廣州二千五百里離瓊崖僅六百里每南風順崖州聞占城雞聲如洪鐘遠遠而來云粵中見聞

暹羅

暹羅國在南海中自東莞之南亭門放洋南至烏瀘獨瀘七洲星盤坤未針至外羅坤申針四十五程至占城舊港經大佛靈山其上峯整則交趾屬也又未針至崑崙山又坤未針至玳瑁洲玳瑁

張海鵬刻本有領字及於龜山西針入暹羅港水中長洲隱隆如壩船出入

如中國車壩然亦國之一控扼也少進為一關守以夷酋又少進為二關即國都也其地沮洳無城郭王居據大嶼稍如中國殿宇

之制覆以錫板開東壁為巨扉是為王門治內十二塘壩酋長主

焉猶華之有衙門張本作府也其要害為龜山為陸昆主以阿昆四字據張

嶺南叢述

卷五十七

諸蠻

三

本補猛齋猶華言總兵甲兵屬焉有奶街為華人流寓者之居士夷

乃散處水棚板閣蔭以芟草無陶瓦也其國右僧謂僧作佛佛乃

作王其貴僧亦稱僧王國有號令決焉凡國人謁王必合掌跪而

捫王之足者三自捫其首者三謂之頂禮敬之至也凡王子始長

習梵字梵禮若術數之類皆從貴僧是故貴僧之權侔於王也國

無姓氏華人流寓者始從本姓一再傳亦亡矣人皆髡首恥為盜

竊凡犯盜及私市者罪之其犴獄則穴地為重樓三級謂之天牢

輕罪置上級差重置中級殊死者張本有乃字置下級其張本無其字輕刑

以皮鞭差重斷足十趾差重斷手十指罪至殊死者腰斬或以象

蹂之貴僧為請於王王乃宥之沒為僧奴謂之奴圉賦役省薄惟

給象為最重故殊死獲張本作或免者不為奴圉則以給象終身焉國

無占候凡日月月字據張本補薄蝕國人見者則奔告於王首至者賞建

寅之月王乃命巫占方命力者由勝方所向掠人而剔其膽雜諸

藥為湯王濡足象濡首以作猛氣原作風據張本改凡用膽華人為上僧

不剔孕婦不剔瘡痂不剔是故用膽視歲甲子為多寡也建辰之

月是為歲首建己之月始作農事建午之月潦始漲建酉之月潦

退王乃御龍舟乃祀土穀禾乃登始獲凡稼之長茂視潦之淺深

稈長丈有三尺穗八寸有只張本作尺稻三盈張本作盈三寸田畝膽數口

少歉歲也凡男女先私媾而後聘婚既嫁而外原本後據張本改私者犯

則出貨以贖然猶蔽罪於男謂其為亂首首字據張本補也凡婦女慧巧

刺繡織絳工於中國尤善醞釀故暹酒甲於諸夷婦飾必以諸香

澤其體髮日夕三四沐戲狎不禁雖王之妻妾皆盛飾倚市與漢

兒相張本無相字貿易不訝亦不敢亂居父母若夫之喪則削髮如比

邱尼經旬乃蓄鬚如舊凡死喪富夷火口而葬貧者舉尸筏而浮

諸海喪屬跪伏於海濱迎僧而咒原作叩據張本改羣大鳥啄而食之頃

刻原作之據張本改而盡謂之鳥葬凡鱈患夷眾則奔赴於王王詔貴僧

嶺南叢述 卷五十七 諸蠻 齒

咒飯而投諸鱈所乃以貝多葉書數符佩以奴囷沒水牽數鱈出

貴僧稽張本作視其孽跡多者戮之剗其腹有得鉛珠二升者跡少乃

黥符其背咒而縱之國人凡有讐怨皆謁僧求咒其咒土夷遭者

非死即疾若原作苦據張本改施諸華人則不能害也凡飯僧必具十品

食也屑糯若稭也牛也豕也翰音也舒雁也家鶩若魚也皆

熟而薦之僧咒而後舉舉必盡數器不足十品不以供也其產多

蘇方木檳榔椰子波羅蜜片腦諸香雜果象齒犀角金寶玳瑁之

屬貿易用肥案明史暹羅傳交易用海貳是年不用貳則國必大疫星槎勝覽諸書貳或作貳貳皆字書所無蓋即

貝之俗書耳原本作肥張本作肥並誤今改正故其民饒富豪首各據別島而居奴囷數

百日蓄貲多至數十鉅萬不蓋藏不虞寇西洋諸國異產奇貨輻

輳其地匠藝工緻嵌寶指環持原作時據張本改至中國一枚值數十金

地廣而兵強嘗併有占臘而私其貢賦以不繫中國利害置不問

也海語

滿刺加

滿刺加在南海中始定為暹羅屬國厥後守土酋長叛其主而自

立開國無可考矣自東莞縣南亭門放洋星盤與暹羅同道至崑

崑張本無直子午收龍牙門港二日程至其國為原作與據諸

夷輻輳之地亦海上一小都會也王居前屋用瓦乃永樂中太監

鄭和所遺者餘屋皆僭擬殿宇以錫箔為飾遇制使若列國互市

王張本即盛陳儀衛以自儆備其民皆土室而居其尊官稱姑郎

伽哪巨室稱南和達民多饒裕南和達一家胡椒有至數千張本

斛象牙犀角西洋布珠貝香品若他所原作止張本作蓄無算俗

不尚鬼男子鷄鳴而起仰天叻叻而呼哈喇蓋哈喇者天地父母

之通謂也文字皆梵書貿易以錫行大都錫三斤當張本有銀一

錢耳牙僧交易擗指節以示數千金貿易不立文字指天為約卒

母敢負者不產五穀米張本稻皆暹羅岷嶼陂隄里所貨鬻俗禁

嶺南叢述 卷五十七 諸蠻 十五

食豕肉華人流寓或有食者輒惡之謂其厭穢也其地多酥酪富

夷以和飯而啖雞犬鷺鶩常仰販於他國故一物之價五倍於華

也民性獷暴而重然諾鈿鐵刃類也不離頃刺生男二歲即造小鈿

鐵而佩之一語不合便戡刃其胸死則刃者輒逃匿山谷踰時乃

出死者之家不復尋讐姑郎伽哪亦不復追論矣交會則交捫其

心以為禮誤捫其首原作手據張本改則勃然忿爭貧民頗事剽掠遇獨

客輒殺而奪其貨舶商假館主者必遣女奴以復役原有猶字日

夕饋食飲少不知戒即腰纏皆為所掩取矣婚嫁尤論財男聘以

十四二字疑而責女之奩資嘗數倍陪送奴因有張本有數五六

房者市井罵詈止於其身雖甚辱不大較若罵子孫而及祖父罵

奴而及家長輒以死鬪故傭奴以土著為上謂其能扞主也婦女

以夜為市禁以二鼓為罷脫有過禁者遇巡徼姑郎伽哪即執而

戮之王亦不詰也輕刑鞭撻罪至死者斷木為高椿而銳其末入

土二尺許以囚大孔貫銳端輾轉哀噉頃之洞腹而死喪事貧者舉尸而焚富人則以張本脫禫腦實棺中而後焚之詰旦而視骨為揚灰矣其地多崇山大谷陸行可遲遲羅嘗併有瓜哇之國然瓜哇之夷素號兇狡凡受傭其地而戕害其主者十八九惟善制藥矢原作筒據張本改中其矢者無不立死正德間佛郎機之舶來來字據張補互市爭利而鬪夷王執其哪噠而囚之佛郎機人歸愬於其主議必報之乃治大舶八艘精兵及萬乘風突至時已踰年國中少備大被殺掠佛郎機夷酋進據其宮滿刺加王退依陂隄里老幼存者復多散逸佛郎機將以其地索賂於暹羅而歸之暹羅辭焉佛郎機整衆滿載而去王乃復所海語

西洋

西洋在西南海中去中國極遠於古無可考明萬歷九年有利瑪竇者始至廣州之香山澳二十九年以其方物進獻自稱大西洋嶺南叢述卷五十七諸蠻去人嗣後其從來者益衆至崇禎初歷法疏舛禮部尙書徐光啓請令西洋人羅雅谷湯若望等以其國新法相參校開局纂修書成未上

本朝建元始採其說命若望等理欽天監事醫學亦間用之據利瑪竇及南懷仁等所經歐邏巴之地共七十餘國其大者曰以西把尼亞佛郎察意大里亞熱爾瑪尼亞佛蘭地亞波羅泥亞翁加黑亞大泥亞厄勒察亞莫斯科未亞風俗尙天主教通歷數善製造一統志歐羅巴州內大小諸國皆奉天主教其婚娶男子三十女子二十通國之中一夫一婦無有二色者產五穀以麥爲重出五金以金銀銅鑄錢爲幣衣服蠶絲者有天鷲絨織金緞之屬羊絨有毳屬鎖哈刺之屬又有苧麻之類名利諾者爲布絕細而堅輕而滑徹則搗爲紙極堅韌相見以免冠爲禮概衣青色兵士勿論女人以金寶爲飾服御羅綺佩帶諸香酒以葡萄釀成可積至數

十年膏油之類味美者阿利礮是樹頭果熟後卽全爲油其生最繁以法制之最饒風味其核又可爲炭滓可爲齏葉可食牛羊飲食用金銀玻璃及磁器天下萬國坐皆席地惟中國及歐羅巴諸國用椅桌其屋三等最上純以石砌其次磚爲牆其下土爲牆石屋磚屋築基最深上可累六七層高至十餘丈地中亦有一層旣可容藏亦可除濕瓦或用鉛或石板或陶瓦凡磚石壁皆千年不壞牆厚而寔外氣難通冬不寒而夏不溽其工作如木工石工畫工塑工繡工之類皆知度數之學製造精巧其駕車國王八馬大臣六馬其次四馬或二馬乘載騾馬驢互用戰馬皆用牡驢過則弱不堪戰矣良馬止飼大麥及稗不雜他草及豆食豆足重不可行此歐羅巴飲食宮室制度之大畧也艾儒略各職方外紀諸國皆尙文學廣設學校分爲四科一曰道科主興教化一曰教科主守教法一曰治科主習政事一曰醫科主療疾病官祿皆厚在處皆有貧院

嶺南叢述

卷五十七

諸蠻

十七

養鰥寡孤獨又有幼院以育小兒有病院養疾病各城邑遇豐年多積米麥饑歲以常價糶之南懷仁坤輿圖記大西洋有教化治世二類貿易者治世類夷僧則教化類也天主邪蘇教夷人敬信之削髮留鬚帶青斗帽衣緇衣出入張蓋樹旛旌男女見之跪捧足俟過乃起凡通曉天官家言會遊京師者皆留鬚髮解華語女尼以帛布纏額及胸縹緲緇衣草帶履夷人敬奉尤甚於僧一女爲尼一家皆爲佛眷人懼重辟得尼片紙立宥之然其始必捐千金歸公旣入寺則終身不出其在澳門者僧居三寺龍鬆寺等處尼亦別立寺廟戒律頗嚴阮志

荷蘭國

荷蘭國在西南海中亦曰紅夷俗稱紅毛國明萬曆三十二年佛郎機橫海上紅毛與爭雄攻破美洛居國與佛郎機分地而守後因咖啣吧假臺灣之地于日本築安平赤嵌二城倚夾板船爲援

戰久留不去又泊舟風櫃仔要求互市海濱郡邑為戒嚴崇禎中為鄭芝龍所破不敢窺內地者數年

本朝順治九年偽鄭成功率舟師攻安平城荷蘭戰敗棄臺灣去十年廣東巡撫稱荷蘭國遣使航海請修朝貢康熙三年荷蘭國遣出海王統領兵船至閩安鎮助勦海逆克取廈門金門

特頒勅諭二道遣官齎賞賚銀緞至福建令給付本國人帶回一統

志夷人黑氈為帽遇人則免冠挾之以為禮著錦繡絨衣握鞭佩

劍夷婦青帕蒙頭領圍珠右肩披巾縵做衣露胸繫長裙以朱革

為履其地有咖喇吧為南洋之會又析其名曰喘日英吉利清職

圖貢

英吉利國

英吉利國荷蘭屬國服飾相似國頗富男子多著哆囉絨喜飲酒婦人未嫁時束腰欲其纖細披髮垂肩短衣重裙出行則加大衣

嶺南叢述

卷五十七

諸蠻

六

以金縷合貯鼻烟自隨皇清職貢圖英機黎一國懸三島於吝因黃祁

荷蘭佛蘭西四國之間大西洋尊天主者惟于絲腦是班牙葡萄

牙黃祁為最而辟之者惟英機黎一國產生銀哆囉呢羽毛緞嗶

吱玻璃等類海國聞見錄明史之丁機宜職方外紀之諸厄利海國聞

見錄之英機黎以輿圖核之即英吉利葢對音翻譯無一定之字

也其國本在歐邏巴之西為荷蘭屬國後漸富強與荷蘭構兵遂

為敵國又不知何時占據北亞未利加之地稱加那大英吉利稱

歐巴之國為本國雍正十二年始來粵貿易其地產麥所貿易聯

屬之地皆稱港脚來舶甚多舟車聞見錄

呂宋

呂宋在南海中明時為佛郎機所并然與中國貿易仍稱呂宋云

一統志呂宋萬歷中為佛郎機所并多僑居香山澳門貿易居呂宋

者長身高鼻貓睛鷹嘴服飾與大小西洋畧同皇清職貢圖是班牙者

呂宋之祖宗也西北臨大洋東南俯中海西鄰葡萄牙東北接佛

郎西海國聞見錄

咪喇堅國

咪喇堅國俗稱花旗屬北亞米利加與加那大英吉利接壤考職方外紀諸書利末亞為五大州之一其地有阨人多近地中海有馬邏可弗沙亞非利加奴米弟亞亞米利加即亞非利加有陸路通小西洋之如德亞今分為南北南亞米利亞有巴拉西屬小西洋又有巴大我尼亞國其國近火地其西有利馬地至利地屬大呂宋產金銀北亞米利加其地甚大加那大英吉利之北為蠻人所居大英吉利之南為咪喇堅咪喇堅之西亦為蠻人所居其地產皮其東海中有島名西氤地亞據英吉利云其屬國也咪喇堅乾隆五十二年進口近年來船甚多幾與英吉利相埒其船較他國差小隨時可至非如他國必八九月始能抵口所以來船較多嶺南叢述卷五十七諸蠻十九

噠國

噠國一名但國即黃祁其地與荷蘭相對隔一小海喘噠二國皆與俄羅斯接壤乾隆元年進口交易海國聞見錄有黃祁普魯社吝因細密里也四國皆在北海以地圖核之即今喘噠二國也阮志

米時哥

米時哥呂宋屬國其地多鑄花邊銀錢無物產海舶來粵者惟載銀錢而已阮志

咖喇吧

咖喇吧荷蘭所屬地由萬山外羅新州遶陸耐國後向南行約四日至崑崙山為安南境又南行約五日至柔佛國又南行一日至網甲峽口又過三洲洋正南行三日為咖喇吧山名頭峙山又南

行二十餘里至海峙山過此爲咖喇吧大山廣袤二百餘里有城郭荷蘭番在此者約三四千人別有烏番兵二三千人又有土番無來由種類也凡外番無可考者俗謂之無來由見海國聞見錄土產燕窩麝香丁香沉香落花生蔗糖咖噠流連子形似柚而小孟姑生形如柿有核其味清美

阮志

啞唱

啞唱乾隆四年進口小西洋北爲望娑羅國又北麻倫你國又北少西爲英吉利國又北少西爲啞唱乃紅毛所轄有城郭物產殷富風俗淳厚紅毛在此者數千人產瑪瑙棉花乳香沒藥阿魏魚膏魚翅之屬馬塔喇英吉利啞包補卽肚諸國在此貿易其後爲啞包補地

阮志

雙鷹

雙鷹乾隆四十五年進口又名打噠奉天主教風俗與西洋同與嶺南叢述

卷五十七

諸蠻

二十

單鷹國爲兄弟患難相恤海舶來粵者用白旗上畫一鷹二頭

阮志

單鷹

單鷹乾隆五十二年進口在雙鷹西北風俗與雙鷹同市船用白旗畫一鷹

阮志

眠喇喇

眠喇喇卽小呂宋其地宜稻米賤時石值三四錢卽昂貴亦不過一兩遇風便十日可至澳門

阮志

味啞喇

味啞喇乾隆七年進口由曼打拉撒陸路二三日可至舟行遇東北風一日卽至其地爲佛朗西所轄曼打拉撒屬咖喇吧

阮志

馬塔喇

馬塔喇乾隆七年進口與小西洋望娑羅麻倫你二國毗連皆沿海長數千里乃回回種類土產棉花花椒魚翅

阮志

蘇喇

蘇喇乾隆九年進口啞喏北舟行三日陸路四五日可至亦紅毛所轄風俗物產與啞喏國同土產惟血竭為啞喏所無

阮志

嶺南叢述

卷五十七

諸蠻

三

嶺南叢述卷五十七終